

KP 01.08.1891

Z Łužicy a Sakskeje.

Z Radworja. Po tym hač běše njedźelu naše Radworske lokalne „Towarstwo Serbskich Burow“ knjez sejmski zapóstanec a hłowny předsyda „Tow. S. B.“ M. Kokla z knjezom kapłanom Nowakom z Chrósćic z wopytom počesćić a wulcy zwjeselić, kaž je hižo w Serbskich Nowinach to wopisane, přihotowa so srjedu na to, 15. julija, zasy Radworjej wulke wjeselo; na tym dnju dostachmy mjenujcy k nowemu domej Božemu (farskej cyrkwi), kiž ma so w blišim času twarić, krasny zakładny kamjeń darjeny wot knjeza kublerja Jakuba Pjecha z Baćonja. Tónle wulki podołhojty, rjenje wobdžěłany a wokolo 50 centnari čěžki kamjeń bu w skale k. Šócki w Hórkach łamany; k. Šócka jón tež z k. Pjehom a jednym pomocnym džětačerjom do Radworja přewodžeše. Z dypkom 2 hodź. popołdnu dowjezechu kamjeń, kiž bě rjenje z pletwami a wěncami wupyšeny, do Radworja na městno nowotwarjomneje cyrkwe; kruty wóz mějachu wosebje k tomu připrawjeny a 4 konje zapřehnjene (Pjehec a Rjebišec z Baćonja). Napřečo běše tomu samomu šoť farski administrator Žur, tohorunja dwaj jěcharjej. Jan Hantuš a Michał Šrama z Radworja, mjez tym zo běchu so druzy jěcharjo zapozdžili, dokelž bě tu kamjeń cyle z dypkom 2 přiwjezeny, kaž bě tež prajene było. Po něčim bě so tež něšto ludźi zešto, zo bychu sebi tónle rjany wobwěncowany kamjeń wobhladali, kiž bu hnydom na rańšu stronu noweho cyrkwineho blaka dowjezeny a pod nawjedowanjom Šócki zbožownje z woza waleny. Wosebje wozjewiť džěn so přichad kamjenja njeje, a to tež bjez džiwa při zmyslenju, kotrež je dotaj wosebje mjez wobydlerjemi Radworja z wjetšeho džěla napřečo tak nuznje nowotwarjomnej farskej cyrkwi knježito. We wěncach namakachu so tež někotre serbske napisma. Prědku bě pisane: „Pětrje! o skała, hdžež cyrkej je Bóh započat a kotremuž kluče je njebieske dat. — Budź chwaleny Jězus Chrystus do wšěje wěčnosće!“ A zady stoješe: „Wutroba Jězusowa žohnuj započatk, dalewjedženje a dokonjenje!“ — Zaptać Bóh tón Knjez wulkomyslnemu darićelej a tež wšitkim, kotřiž su so z cyła hižo za tule tak nuznu a wažnu Radworsku naležnosć z fórami a pjenježnymi darami starali. — Pozdžišo napiše so wo twarju noweje Radworskeje farskeje cyrkwe něšto wobšěrniše M. Ž.